



FÜRSCHI

avisierä aquirierä strukturierä konzipierä
projektierä stilisierä uusprobierä destruierä
neu kreierä revidierä präzisierä realisierä
produzierä optimierä produzierä optimierä

Ahgestellti strapazierä s'chlinschte Glied nid eschtimierä
instruierä delegierä kontrollierä kritisierä
diskutierä terminierä budgetierä fakturierä
bilanzierä visionierä recherchierä Markt studierä

erudierä initiierä patentierä konkurierä
etablierä formulierä proklamierä proklamierä
evaluierä fantasierä offerierä profilierä
profitierä maximierä profitierä profitierä

**Fürschi Fürschi – di ganzi Welt lauft numä na
Fürschi Fürschi – als gäb's nu ei richtigi Richtig richtig
Fürschi Fürschi – immer schneller immer schneller gaht's hüt
Fürschi Fürschi – denn keinä bliibt me stah**

**Fürschi Fürschi – s'Rad vo dä Ziit dräht sich
Fürschi Fürschi – immer numä immer mumä immer
Fürschi Fürschi – äs git kas Entrinä vo dem
Fürschi Fürschi – aber das sch...sst üs ah**

*Laaa, lalalalalalalaaa – Drum wämmer gah...
Sägmer was willsch haa? – Wiit wäg vo da
Än stillä Platz isch d'Wahl, ja bitte sehr!*

doch dä Gini macht üs... zum Alibaba
und versetzt üs tüüf id'Sahara
da erschiint Fürschi nur als Fata Morgana
doch chuum wird d'Realität wieder wahrgnah heisst's

marschierä marschierä Schritt um Schritt
Tritt um Tritt, Ma um Ma im verlohrenä gangänä Karavan
fürschi irgendwo is nirgendwo
unerreichbar staht's Ziel am Horizont

sowiit üses Aug üs tüüsch
um euis umä numä Sand um Sand wo selber fürschi flüüsst
d'Hoffnig und d'Wiitsicht gaht d'lisicht staht
Fürschi au idä Wüäschtli ä wüäschtli Plag

Fürschi Fürschi – di ganzi Wält lauft numä na
Fürschi Fürschi – als gäb's nu ei richtigi Richtig richtig
Fürschi Fürschi – immer schneller immer schneller gaht's hüt
Fürschi Fürschi – als wär's än innrä Drang

Fürschi Fürschi – s'Rad vo dä Ziit dräht sich
Fürschi Fürschi – immer numä immer mumä immer
Fürschi Fürschi – äs git kas Entrinä vo dem
Fürschi Fürschi – und so wird's wiiter gah!

Und au im Musigbiz...

musch immer dra bliibe därfsch di nid uf Lorbeerä verwiilä
da heisst's schriibä und schriibä, und zwar Ziile für Ziilä
immer wiiter und wiiter a Melodiä am fiilä
und diä musch spilä und spilä immer wieder und wieder

bis dir s'Liäd fascht verliidät das denn Schiibä für Schiibä
Titäl für Titäl um niä was z'verdienä
nu vo Liidäschaft tribä doch därfsch niemals stah bliibe
musch di wiiter ahtriibä sprich trainierä trainierä

dänäbäd Fans generierä a jedäm Alass sich zeige
um Präsenz z'markierä neuä Trends akzeptierä
um direkt z'reagierä s'hät ebä kann Wert
sich gägä das **** Fürschi z'eschoffierä

Fürschi Fürschi – di ganzi Wält lauft numä na
Fürschi Fürschi – als gäb's nu ei richtigi Richtig richtig
Fürschi Fürschi – immer schneller immer schneller gaht's hüt
Fürschi Fürschi – mä chunt fasch nümä nah

Fürschi Fürschi – s'Rad vo dä Ziit dräht sich
Fürschi Fürschi – immer numä immer mumä immer
Fürschi Fürschi – äs git kas Entrinä vo dem
Fürschi Fürschi – denn keinä bliibt me stah!

Fürschi Fürschi – di ganzi Wält lauft numä na
Fürschi Fürschi – als gäb's nu ei richtigi Richtig richtig
Fürschi Fürschi – immer schneller, immer schneller gaht's hüt
Fürschi Fürschi – doch mir bliibäd dra!